

70. Excludit ergò hoc attributum omnem penitus divisionem DEI, non modò eam Essentiæ in partes distinctas: qua ratione res corporeæ sunt dividuæ: sed etiam illam, quæ institui potest inter essentiam & Qualitatem: secundum quam Angeli mutationem aliquam admiserunt, ut respectu Qualitatum sive accidentium concreatarum vel corrumpi vel perfici potuerint: id quod tum ex lapsu malorum, confirmatione bonorum Angelorum tum ex apparet.

71. Neque obstat, quod DEVS secundum personas & hypostases est dividuus: siquidem nulla persona, partem aliquam essentiæ constituit: sed ita potius una & simplicissima essentia in tribus personis citra omnem compositionem subsistit: ut qualibet ἑσώσεων sive personarum seorsim considerata, ab ἑσώσῃ sive Essentia, non nisi τῷ λόγῳ sive ratione differat: simul junctæ verò omnes tres hypostases, ab essentia Deitatis, neque τῷ λόγῳ, neque reipsa differant, sed sint simplicissime una illa divina Essentia, absolutè intellecta. Qua de Quæstione tamen in sequente disputatione tertia ex professo differemus.

72. Quam ob causam, ad Essentiæ divinæ simplicitatem demonstrandam, attributa omnia in DEO dicuntur ἑσώσῳ substantialia sive Essentialia, neque in censu numeroq; accidentium habentur; adeò ut cum ipsa essentiâ simplicissime

mè